

安陽縣志

卷首至卷四

地/50.83

35.24.1

部=1~8

安陽縣志序

嘉慶安陽縣志前知縣長寧趙君希璜主修河間紀相國集載有序文頗極推重至以楷模許之余承乏此土求所謂趙志無復存者問鋟版則收入歸裝載之去矣趙君本知名士復延僊師徵君武虛谷先生代爲捉刀聞山川古蹟地理形勝以至金石之搜剔稗野之舊聞皆徵君手輯之徵君子小谷明府余廿年至契也因走書小谷携舊藏刊本來鄴共相商榷欲以廣趙君之傳且以補此邦方志之遺也遂開館於去年夏五月並集人士之有學行而足以取重於鄉里者細心採訪凡四閱月而藏厥事今夏四月小谷旋自都門復留以校讐雕本又四閱月乃裒然成書一切體例俱仿趙書之舊其缺如者補之如欽定皇輿表趙君或未之見簡王世系表則攸關於此邦之故實不容脫遺也濫入者刪之如張大象大素諸人唐書附公謹傳後公謹魏州繁水人在隋唐爲今內黃縣源光裕附乾曜傳後唐書則直云相州臨漳人與安陽更無關涉則又不容不亟爲釐剔也列朝達人通士嘉言懿行凡登於史策見於舊乘者既依據詳載而嘉慶四年後之人物科名義士節女亦復彙登無遺善善從長將於斯邦之人有厚望焉昔衛正叔註禮記謂人之著書惟恐不出於己我之著書惟恐不出於人此焉之役每有引證無不推明所由起或亦差免剽襲之誚若謂知人而論世當名而辨物居然以方志自信是又余與小谷所爭滋愧者矣嘉慶二十四年八月鐵嶺貴泰序

安陽縣志

卷首序

一

北平文嵐齋古宋印書局印

呈閱

欽命兵部侍郎兼都察院右副都御史巡撫河南等處地方兼提督銜琦善滿州正黃旗人
欽命節制全省軍務並駐防滿營官兵兼理河道加十級紀錄十次
欽命河南等處承宣布政使司陞任湖南巡撫吳邦慶順天府霸州人
欽命河南等處承宣布政使司陞任湖南巡撫吳邦慶順天府霸州人
欽命河南按察使司按察使調任湖南按察使司敦良滿州正紅旗人
欽命河南南汝光道署河南等處提刑按察使司按察使加十級紀錄十次查廷華安徽涇縣人
欽命河南開歸陳許道署河南等處提刑按察使司加十級紀錄十次謝學崇江西南康人
欽命河南通省糧儲鹽法道加十級又軍功加一級隨帶紀錄十次張翹山東平原人
欽加按察使銜河南分守河北彰衛懷三府兼管河務驛傳兵備道加十級紀錄十次趙麟浙江仁和人

纂修姓氏

監修

彰德府調陞開封府知府林嵐曉岑順天宛平人
彰德府知府慶福餘村滿州正白旗人
彰德府通判陳燾員甫廣東興寧人

安陽縣志

卷首 纂修姓氏

北平文嵐移古宋印書局印

總修

安陽縣知縣貴泰春臺鑲白旗漢軍慶齡

參修

彰德府學教授王淮源松亭許州人
彰德府學訓導劉逢申新安人
安陽縣學教授鄧萬吉蘇州項城人
安陽縣學訓導呂含章蔚州南陽人
安陽縣丞蔡鴻翥夢塘浙江桐鄉人

督梓

安陽縣典史裘彪蔚州江西新城人

總纂

江西候補知縣武穆淳小谷偃師人

總校

登封縣學訓導高得雋桐州安陽人

安陽縣學增廣生員

柴景堂 望之安陽人

採訪事實

總職

千進舉恩恩拔副副歲廩增

膳廣

貢貢貢貢貢貢

生生

衛士人生生生生生員員

張	辛	郝	朱	閻	許	朱	任	仝	王	辛
儒	翔	鳴	衣	鵬	天	仲	士	士	吉	翻
安陽人	安陽人	安陽人	安陽人	安陽人	安陽人	安陽人	安陽人	安陽人	安陽人	安陽人

安陽縣志

卷首 纂修姓氏

一一

北平文嵐簾古宋印書局印

安陽縣志

篇目

紀一

圖二

表六

志十

識餘一

志原一

金石一

卷目

卷首

凡例 原例

聖製紀

卷一

安陽縣志

卷首 篇目

一

北平文嵐簾古宋印書局印

縣署圖 縣學宮圖

卷二

欽定皇輿表 沿革表 爵封表 明趙王世系表

卷三

職官表

卷四

選舉表 勲封 恩蔭附

卷五

地理志 上 沿革 疆域 山川

卷六

地理志 下 渠田

卷七

田賦志

卷八

建置志 上 城池 公署 倉廩 祠廟 寺觀

卷九

建置志 下 學宮 義學 書院

卷十

學校志

卷十一

典祀志

卷十二

兵防志

卷十三

古蹟志 上 瀆堤 聚河 壘門 曲城 鎮橋 岡驛 鄉里 村原

卷十四

古蹟志 中 官宅 第堂 坊亭 臺樓 庵井 塘

卷十五

安陽縣志

卷首 篇目

古蹟志 下 陵墓

卷十六

人物志 漢 晉 北魏 周 隋 唐 後周

卷十七

人物志 宋

卷十八

人物志 金 元

卷十九

人物志 明

卷二十

人物志 清

卷二十一

人物志 流寓

卷二十二

人物志 列女上

卷二十三

人物志 列女中

卷二十四

人物志 列女下

卷二十五

循政志

卷二十六

藝文志 上

卷二十七

藝文志 下

卷二十八

識餘 志原

附刊

安陽縣志

卷首 篇目

三

北平文嵐移古宋印書局印

金石錄十二卷

安陽縣志例

安陽縣知縣鐵嶺貴 秦纂

一嘉慶安陽志纂修於嘉慶四年，長寧趙君希璜主其事，蓋仿元和郡縣志，元豐九域志，特以紀元標首，第考地理者，統覈一代之疆域沿革，裒爲成書，若縣志則限於一邑，似不必過於籠統，蹈泥古之誚，今斯纂止標曰安陽縣志，而於因仍其舊者，則書原纂，今增續者，則書補纂，逐卷標明，庶昭不沒人善之義。

一原纂域志，首明圖繪，計里開方，爲總圖，以徵山川險易爲分圖，以志莊里遠近，凡有徵發期會，視爲程限，大足裨於政要，茲仍其舊，毋事另爲更易。

一歷代史家，於古今人物宰輔爵封，皆爲立表，旁行斜上，展卷明晰，康熙間

欽定皇輿表，考覈精審，爲後之言地志者，奉爲楷模，茲將安陽縣分域，敬謹繕寫，首載今攷，定疆域表前，而於職官選舉，原纂已爲立表者，概從其舊，錯訛者釐正之，惟於四年之後，應行補入者，按冊續增，不使稍有漏遺。

一原纂爵封表，於勝國分藩，止載趙王厚煜及其曾孫二人，餘俱以嗣續有過刪去，既於受封始末，無繇稽考，且嫌於去取臆憑，乖於考鏡得失之意，茲採明史爲之詳立譜系，

安陽縣志

卷首 志例

務使世次井井，令閱者開卷瞭如。

一縣之貤封恩蔭，俱由其子若父爵位，推恩以及，原纂載卷首圖表之後，殊嫌突如，今更定於選舉表後，俾知其出身有自，歸於以類相從之義。

一原纂人物，有見於崔氏鄴乘，舊郡志，盧府志，陳縣志者，各以諸本斷次先後，其自行補入者，另爲一卷，朝代紊亂，閱者最易混目，今歸併以歷代編年，叙次先後，惟於每傳下，標明所引原委而已。

一原纂仿齊乘之例，凡人物見於史傳者，惟書名字，註明某史有傳，以爲人物眾咸，具書全文，有同抄胥，不知全史卷帙浩繁，誠難家有其書，如附縣志刊行，卽寒素亦得景行先達，有功士林，無逾於此，又於

清朝人物，止爲侍郎許三禮巡撫周毓田鳳儀三人立傳，茲將已登入府志前縣志者，盡數補入，仍謹延採訪，確詢輿評，務使善善從長，近於發潛，闡幽之道。

一原纂踵前志之失，於唐代人物，濫收張公謹三子大象大素大安並大安子排四人，又源光裕暨光裕子源洧二人，按唐書大象諸人，俱附張公謹傳，公謹魏州繁水人，卽繁陽，在隋唐爲今內黃縣，與安陽無涉，光裕附源乾曜傳，則直云相州臨漳人，與安陽更

無涉矣，故俱不登載。

一原纂循政記，載入此邦列女節孝之間，殊嫌夾雜，且所載列女節孝事跡，亦無分畛域，今分循政記另爲一卷，列女節孝併爲一門，以歸畫一。

一原纂地理、建置、田賦、渠田、典祀、兵防、古跡各志，徵引繁富，考覈詳明，今刻悉仍其原，略加讎正，既省繙閱之勞，且救譌陋之失，津逮枵腹，誠非淺鮮。

一原纂爲前修縣志者馬國楨、陳錫輅，於志末立傳，以其曾盡採摭之勤，藉見淵源承續之義，但於創修繼續諸君，究未賅備，今爲補志原一門，自宋相台志而後，存帙俱可徵見，原叙亦以類附焉。

一較原纂於建置之內，補學宮、考學宮外補學校志，徇輿論也。

一近今方志藝文，附刻毫無關涉之詩文，殊無意味，原纂蒐羅金石遺文備錄，俾後之徵文獻者，有所取資，且以羽翼藝文之闕，立義最爲通備，今悉遵照刊行卷次，俱仍其舊。

一原纂凡例九事，仍弁卷首，使閱者知前後意見之異而實同，亦惟求於一是而已。

安陽縣志

卷首 志例

二

北平文嵐樓古宋印書局印

嘉慶安陽縣志原例

前任安陽縣知縣長寧趙希璜原修

一志域地首明圖繪。自唐志州縣各有圖經。五年乃修歲與版籍偕上。嗣是方志多依此例。今計里開方。爲總圖以徵山川險易。爲分圖以志莊里遠近。凡縣有徵發追逮。視爲程限。深足裨於政要。

一史家立表。年經月緯。期於詳略互見。今採職官無事跡可見者。惟書其名籍。其惠澤一方。吏民稱頌。卽列入循政記。縣之人物。亦仿此例。既有選舉表標名。更集小傳以備徵遺。

一爲書各有義例。偏方陋邑人物。見之史傳。不妨備錄。若安陽歷代顯人。表目正史。難以僕數。具書全文。有同抄胥。節存數事。亦不歸體要。今依齊乘之例。凡史有傳者。惟書名字。註某史有傳。

一編錄取諸徵實。地理。典祀。諸志。既取史傳。及掌故各書。或文集碑刻。省志。府志。縣舊志。亦採摭不遺。庶免鑿空。

一祠祀。遵照會典。分列上祀。中祀。羣祀之目。以昭典禮。

安陽縣志

卷首 原例

北平文嵐樓古宋印書局印

一縣境南接湯陰。東北與內黃臨漳錯壤。其間村墟。改隸改併。以致古跡往往互易。茲編具徵舊聞。取以入志。如縣堤西河。及銅雀臺。三縣雖已收錄。而宋人言地理者。悉指爲安陽。今仍存一二。

一史爲自叙。序傳。以見家法相承。縣志先後踵修諸君。皆盡採摭之勤。故於志末爲傳。具書名氏里籍。創修續修年月。錄其原序。以合史氏因文爲傳之義。

一金石刻流傳。裨於方志。自酈氏注水經。書某碑在某所。後人卽可推識舊跡。有所因依。茲特爲採輯。皆關要據。故不憚瑣細具錄。

一例皆舊志所未發。故略見端。若因文見義。皆存各篇。解人自解。不蹈贅言。

安陽縣志卷首

河南安陽縣知縣臣貴 泰恭紀

聖制紀

韓琦論 乾隆十五年九月

夫爲人臣者當國家清夷之際進言納諫理國致治固一代名臣也然值主幼時難之日而能不動聲色措天下於泰山之安者則又所謂國之柱石棟梁非具經濟之才學問智勇迥出流輩者不能韓魏公兩定大計輔相英宗調護兩宮處之裕如天下以治豈非國之柱石棟梁而天下倚賴以安者哉及神宗卽位出之於外然未嘗頃刻有忘君父之心故青苗之法琦極論其病民遠使之來琦上言處置之方最爲曲盡誠可謂古大臣矣當仁宗中年雖君子道長而小人時或並用及嘉祐以後專任魏公朝廷清明天下樂業英宗卽位又用之不疑君子在朝用臻至治故用賢人者必使小人無以間之然後疑貳之心不生而嚮用之念彌篤也

韓琦贊 乾隆十五年九月

奕奕相州維天之中孕祉敏靈間氣所鍾爰生魏公金堅玉潤相厥明時輔成景運弱冠

安陽縣志

卷首 聖制紀

北平文嵐樓古宋印書局印

登第聿見嘉祥雲輝日下五色呈光大材不器小用亦效西夏寒心兩宮諸孝齊范篤富宏展經綸臨事決疑正笏垂紳皎皎易汙嶢嶢易缺維公德量山崇海濶材既軼世學亦通方光輝事業燦爛文章肫然而仁毅然而醇猗歟魏公古之名臣

祭韓琦墓文 乾隆十五年九月

惟爾德器恢宏勳庸炳煥早年唱第祥徵捧日之雲前席陳詞夙具回天之力匡扶社稷揚光訓於兩朝澤潤生民活遺黎者百萬處危疑而不懼操心則純粹以精獻臣子所難言秉節則直方而大樹嘉祐治平之偉績紀在太常建涇原秦鳳之威名膽寒西寇朕省方豫省道出相州緬畫錦之遺堂過安陽之故里星還箕尾感樞馬以皆鳴靈毓山河撫隴松而如在爰脩秩祀用遣專官神如有知尙其歆格

過漳河詩 乾隆十五年九月

一水分燕豫提封制度周當秋巡狩處自古帝王州務本民風厚崇廉吏計修益須持後效方足慰先憂休助予常切旬宣汝善求滌場欣遇稔供帳戒從優河水安瀾遠嵩陽瑞靄浮閭閻疾苦隱道左共諮諏

豐樂鎮 乾隆十五年九月

一橋接兩堤。兩省限一水。迎者既紛來。送者亦旋止。守臣有爾我。予心何彼此。周禪寰海內。孰非我赤子。中州方初至。按轡咨民事。叶夾道老幼填。瞻就近尺咫。蠲租早頒學。賜金每問齒。笑譁奚必禁。奔走紛未已。其數無慮萬。一一色含喜。嗟予有何德。子來乃爾爾。寒所衣者帛。饑所食者米。比戶日所需。直貴固其理。既庶而既富。曰教思所以。擾之愛亦害。循之順匪弛。是處名豐樂。高廩慶亦有。叶顧名心倍欣。熙世無過是。伊洛周鄭間。結攬從茲始。

安陽道中覽古乾隆十五年九月

翠罕度安陽。秋暄曉露灑。韓陵一片石。畫錦數間堂。建置相還鄴。軍期項與章。考尋間按轡。要務讓農桑。

大生寺乾隆十五年九月

秋月安陽路。蘭若經未入。小陽迴蹕便。意行聊訪及。龍宮入部衛。雁樓三十級。數間靜室幽。竹陰成小立。過眼雲外賞。翻覺勞補葺。

渡漳河乾隆十五年九月

中上周巡一月強。浮橋迴首望安陽。往還節換秋冬候。迎送疆分清濁漳。拍岸沙痕依次


安陽縣志

卷首 聖制紀

二


北平文嵐樓古宋印書局印

退。繡塍麥色較前長。時平到處均繁庶。益切持盈祝歲穰。



卷一 縣署圖


北平文嵐簪古宋印書局印



安陽縣志

卷一 縣署圖

北平文嵐齋古宋印書局印




安陽縣學宮圖

安陽縣志

卷一 學宮圖

三

北平文嵐樓古宋印書局印



安陽縣志

卷一 學宮圖

四

北平文嵐簒古宋印書局印

